



Notitia Congregationum Et Tribunalium Curiæ Romanæ

Plettenberg, Hunold

Hildesii, 1693

§. 1. De nomine Cardinalis.

[urn:nbn:de:hbz:466:1-63032](https://nbn-resolving.de/urn:nbn:de:hbz:466:1-63032)

§. I.

De nomine Cardinalium.

1. & 2. Cardinales à cardine dicti.
3. Præcipui in Clero Cardinales appellati.
4. Cardinalis nomen à loco ad Personas derivatum.
5. Quo tempore nomen Cardinalis inventum.

I.

Dicuntur Cardinales à cardine. Cardo est axis, circa quem res aliqua volvitur regiturque; Sic cœli cardines dicuntur duo poli, circa quos immobiliter fixos, cœli machina rotatur. Ostii cardo est, in quo illud vertitur & regitur. Cardo quoque dicitur præcipuum, & summa rei. Hoc sensu S. Augustinus lib. I. de Bapt. c. 6. primarios Donatistarum Cardinales vocavit, & S. Ambrosius lib. 5. in Luc. præcipuas virtutes Cardinales dixit.

2. Utrâque acceptione Purpurati à cardine nomen *Cardinalis* trahunt; Nam sicut super cardinem volvitur ostium domus, ita super hos Sedes Apostolica, totius Ecclesiæ ostium, quiescit & sustentatur, inquit Eugenius IV. Constit. Non mediocri. Sunt etiam præcipui, qui Papæ in Ecclesia universalis gubernanda

nanda assistunt. c Fundamenta §. decet de elect.
in 6. Dignitates enim Episcopales & Archi-
Episcopales private unius patriæ
præsunt utilitati, ista Cardinalium di-
gnitas publicæ totius populi Christiani:
illæ unam duntaxat regunt Ecclesiam,
ista cum Sede Apostolica, universas,
ait idem Eugenius IV. l. c.

3. Hinc olim primatii & principales in
Clero *Cardinales* dicebantur; Ita Epi-
scopus & Clericus Cardinalis. c. In nomi-
ne Domini dist. 23. Sacerdos Cardinalis.
c. Ministerium de offic. Archipresb. Presbyter
& Diaconus Cardinalis c. Præful. 2. q. 5.
id est Archi-Presbyter & Archi-Diaconus:
in ea nimirum Ecclesia, in qua plures
Presbyteri & Diaconi reperiebantur,
vel qui Ecclesiis præficiebantur, quæ cæ-
teris Principaliores erant: nominabantur,
Azor. p. 2. Inst. l. 4. c. 1.

4. Ex quo colligitur à loco derivatum
esse nomen Cardinalis ad personas, prout
clare quoque constat ex Concilio Mel-
densi Can. 54. sic statuente. Ut titulos
Cardinales in urbibus, vel *suburbiis*
constitutos Episcopus Canonice ordinet
& disponat. Idemque habetur ex Joan-
ne Diacono in vita S. Gregorii lib. 3. c. 11.

A 2

ubi

4 De Institutione Cardinalium.

ubi sic ait: *Cardinales violenter in paræciis forensibus ordinatos Gregorius in pristinum cardinem revocavit. Ubi cardinem vocat Titulum seu Ecclesiæ Cardinalem.*

5. A S. Sylvestro Cardinalis nomen inventum esse creditur, cum ante illius tempora nulla hujus vocabuli mentio in monumentis, aut literis reperiatur. Primum enim istius meminit sexta Synodus Romana anno 315: post conversionem Constantini sub Sylvestro celebrata. Quod nomen deinde eisdem Ecclesiæ Prælatis attribuit Gelasius Papa, & refertur in c. Presbyteri 24. dist. ac saepius Gregorius I. c. Relatio & seq. c. Pastoralis. 7. q. i. & deinceps Stephanus IV. c. Oportebat. & seq. dist. 79. Nicolaus II. c. In nomine Domini dist. 23. aliisque.

§. 2.

De Institutione Cardinalium.

1. Figura Cardinalium fuerunt Sacerdotes Levi-tici Ordinis.
2. Cardinales instituti sunt exemplo Apostolo-rum.
3. Et jure Divino.
4. Qui olim constituti sunt, & ad quid.
5. Post Constantinum M. crevit eorum honor & dignitas.
6. Ac-